



# Synfocity = 422

24<sup>th</sup> January, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

- **Seminar on Studies in Mizo Religious Mindset; Conversion and 'Born Again' Phenomenon**  
 January 18 (Zirtawpni) khan Aizawl Theological College-a Sandy's Hall-ah Aizawl Theological College leh Zoram Research Foundation-te tangkawp buatsaihin "Studies in Mizo Religious Mindset; Conversion and 'Born Again' Phenomenon" tih chungchangah Seminar neih a ni.  
 Seminar hi session thuma then a ni a. Dar 10:00-11:00 chungin Keynote Address ngaihthlak a ni a, Prof Thangchungnungan kaihruiin Rev. Vanlalzuata, Senior Executive Secretary-in hunserh a hmang a, Upa Prof. R. Lalthantluanga, Vice Chancellor, Mizoram University-in Keynote Address a pe.  
 Session nhihna chu dar 11:15-1:00 chungin neih a ni leh a, Prof. O. Rosanga, Head of Department, Department of History & Ethnography, Mizoram University-in a kaihrui a, Mizo hnam puipate Kristiana an lo inleh dan bih chianna leh chumiin a hnam puma Kristiana inlehna a nghawng kai dan chungchang Paper a buatsaihtu Rev. R. Lalthanmawia, Synod Moderator hluin a chhiar a. Ei leh bar dapna lam dinhmun avanga Kristiana inlehna a awm theih dan paper chu a buatsaihtu Dr. Sangkima, President, Mizo History Association-in a chhiar bawk a, sawihona hun hman zui a ni.  
 Session thumna chu 2:00-4:00 chungin neih a ni a, Rev. Prof. C. Lalhlira, Voce Principal, Aizawl Theological College-in a kaihrui a, "Mizoten Piantharna kan hriat danin hnam nun a nghawng dan" zirho leh a ni. Paper hi mi pahnih bawkin an buatsaih a, Rev. R. Zolawma, Assistant Professor, Academy of Integrated Christian Studies leh Rev. Rosiamliana Tochwawng, Assistant Professor, Aizawl Theological College te'n an buatsaih a. Sawiho zui a ni. Hun hman zawhah hian Pu Rochamlia, Gen. Secretary, Zoram Research Foundation-in lawmthu a sawi a, banna siam zui a ni.
- **Buarpui Biak In hawng**  
 January 19 (Inrinni) khan Rev. Lalzuithanga, Executive Secretary chuan Buarpui Kohhran Biak In thar a hawng. Biak In hawnna neih zawh hian Biak In chung programme-in a zui a, Buarpui Kohhran Secretary Upa Ralkapthangan Report pein Rev. Lalzuithangan Pathian thuchah sawi a, Presbyterian Choir, Lunglei leh Buarpui Kohhran Zaipawlte an zai bawk.  
 Chawhnu dar 12:30 atangin Pastor Quarters-ah Thu leh Hlaa inpawlkhawmna neih a ni a, tlaiah Biak In thar lawmna ruai kilho a ni.  
 Inrinni (Jan. 19) zan atanga Pathianni (Jan. 20) zan thlengin Pathian Biak Inkhawm neih a ni a, Upa F. Lalchhanhima, Lunglei Venglai; Rev. F. Lalrinnunga, Administrative Secretary, Chhim Bial; Upa Lianzela Sailo, Lunglei Rahsi Veng leh Rev. Lalzuithanga, Executive Secretary ten Pathian Thuchah an sawi a, inkhawm apiangin Presbyterian Choir, Lunglei leh Buarpui Kohhran Zaipawlten hla an rem bawk.  
 Buarpui Presbyterian Kohhran hi March 30, 2008-ah a ding tan a, May 25, 2008 khan Rev. Lalzuithanga (hemi hun laia Lunglei Administrative Secretary) chuan Branch Church-ah a hlangkai a, October 26, 2008-ah Lunglei West Presbytery Moderator Rev. R. Lianmunga'n Kohhran puitlingah a hlangkai a ni. May 18, 2008-ah Kristian Thalai Pawl din a ni a, May 25, 2008-ah Kohhran Hmeichhia din leh a ni.  
 Buarpui Kohhran hian Pastor 1, Pro. Pastor 1, Kohhran Upa 2 leh Tual Upa 3 an nei mek a, Kohhran dan zawh kim 51 leh Baptisma chang 19 an awm a, an vaiin Kohhran member hi 70 an ni. Buarpui Kohhran hian Synod kalflangin Missionary 3 an chawm mek bawk.  
 Buarpui Kohhran Biak In thar hi April 24, 2010 khan sak tan a ni a, vawi 62 hnatlang neih a ni a, thasen zawng zawng hi Mipa 700 leh Hmeichhia 244 a ni. Biak In len zawng hi a dung 40 ft. leh a vang 24 ft. a ni a, a sak nan hian Rs. 3,07,944/- an seng a ni.  
 Buarpui Kohhran tan hian Bawngkawn Hmar Veng Kohhranin Pulpit an pe a, Sabual Kohhran Pavalai Pawl ten Lectern an pe a, Pu Zorema'n Biak In dar a pe bawk. Biak In Furniture zawng zawng hi Baktawngah siam tir a ni a, Kohhran Hmeichhiaten Biak In puanzar an tum a, Kristian Thalai Pawlten Sound System an tum bawk.
- **Zin**

  - ◆ January 22 (Thawhlejni) khan Chhim Area Committee, Lungleiah an thu a, hetah hian Rev. Vanlalzuata, Senior Executive Secretary; Rev. Lalrinmawia, Synod Secretary leh Rev. Lalbiakvulmawia, Mission Vengthlang te an tel a. January 23 (Nilaini) khan Aizawl-ah an lo let leh a ni.
  - ◆ January 29 - 31 hian Christian Communication Committee Seminar, Shillong-a neih turah Rev. K. Lalpiangthara, Synod Literature & Publication Board (SL&PB) Editor a kal ang.
  - ◆ Dr. Vanlalruata, Director, Presbyterian Hospital chu CMC Vellore Council Meeting hmang turin Vellore a kal.
- **Revival**  
 Synod Revival Committee chuan Revival Speaker-te pualin Retreat neih leh nise tiin a rel a, Synod Conference Centre, Mission Vengah March 21 & 22, 2013-ah neih tur a ni ang.
- **Music**  
 January 24 - 26 hian Teikhang Kohhranah Hla hruai dan training neih a ni dawn a, training neihpui tur hian Synod Music Instructor pahnih Pu Lalromawia leh Tv. Zirlianthanga te an kal.
- **Kohhran Hmeichhia**  
 February 1 - 3 chung hian Bial Hmeichhe Inkhawmpui, Boleng, Arunachal West-ah neih a ni dawn a, hemi hmanpui tur hian Central Kohhran Hmeichhe hruaitute atangin Pi Lalflanmawii, Chairman leh Pi Khawlvuani, Vice Chairman te an kal ang.
- **Kristian Thalai Pawl**

  - ◆ January 22 (Thawhlejni) zan khan Central KTP General Secretary Upa Zonunmawian Bethlehem Pastor Bial KTP Music Video 'I pianna ramah kir leh rawh' tih chu Bethlehem Kohhran Revival Hall-ah a tlangzarh. Music Video Album-ah hian hla 10 a awm a, ₹ 100/- in lei theih a ni.

Contd...

- ♦ January 30 - February 1 chung hian Choir Cabin, Synod Conference Centre-ah Synod Choir member-ten riah chilhin Hla zir Camp an nei ang.
- ♦ **Bial KTP Conference** : January 25 -27 chung hian Kristian Thalai Pawl ten Bial KTP Conference an hman ang. Bial thenkhatah chuan February 1 - 3 chung hman tum a ni bawk. Bial Conference hmanpui turin Central Committee member-te hetiang hian an kal ang :

Hming	Bial	Thlengtu Kohhran
❖ T. Upa Zohmangaiha, Fin. Secy. & Pu R. Lalhmingthanga, Comm. Member	Khawzawl Venglai	Ngaizawl
❖ Tv. V.L. Muanchhana, Asst. Secy. & Dr. H. Lalthanzara, Comm. Member	Mamit	Phaizau
❖ Tv. Vanlalhruaia, Comm. Member	Mission Vengthlang	Mission Vengthlang
❖ Upa Lalrinmuana, SMB Coordinator	N. Vanlaiphai Damdawi Veng	Damdawi Veng
❖ Upa Zothangzuala Chhangte, Treasurer & T. Upa Lalremsiana, Coom. Member	Silchar Mizo	Chhotasalnganga
❖ T. Upa Lalhruaizela, Comm. Member & Pu Lalmuanpuia Hrahse, Comm. Member	Vanzau	Vanzau
❖ T. Upa Dr. Samuel Vanlalhlhanga, Asst. Leader & Pu Saizamliana Sailo, Comm. Member	Zawnuam	Zawnuam
❖ T. Upa Lalramdina Ralte, Comm. Member & Pu Samuel Laldinliana, Comm. Member	Haulawng	Haulawng
❖ Upa Zonunmawia, Gen. Secretary & Dr. Julie Remsangpuii, Comm. Member	Hnahthial	Hnahthial

Synod Office atangin Bial KTP Conference-a Speaker turin a hnuai mi te hi an kal bawk ang :

- ❖ Rev. Vanlalzuata, Senior Executive Secretary - Champhai Vengthlang Bial
- ❖ Rev. Lalchhuanmawia, Synod Mission Board Secretary - Kolasib Diakkawn Bial
- ❖ Upa F. Lalremthanga, Coordinator, Music - Darlawn Venghlun Bial
- ❖ Upa Bonny Lalrindika, Asst. Coordinator, Synfo - Kawkulh Hmar Veng Bial

□ **Hruaina Eng FM Radio & TV Programme**

- ♦ **JANUARY 25 (FM Radio @ 7:30 p.m.) :**
  - Choir** : Besy Choir - Khualzin vâkvâi,
  - Solo** : Lallungmuana - A rei si lo,
  - Choir** : Bethlehem Bial Zaipawl - Lalnunema,
  - Thuchah** : Bonny Lalrindika - Thalaite hnena thurawn,
  - Solo** : Elija Lalrinawma - Thupek Ropui
- ♦ **JANUARY 27 (TV Programme @ 3:00 p.m. :**
  - Choir** : Mizoram Synod Choir - Ka vui lo ve,
  - Sermon** : Rev. Lalsangbera - Krista Tana Nun,
  - Choir** : Khatla South kohhran Zaipawl - Nangma Thil Ropui te,
  - Bihchianna** : Synod Office,
  - Solo** : Robert Lalduhzuala - Thinlung chaute tan, Lalremruata & MSVT Pastor Bial Zaipawl - Haw rawh

□ **Susamachar Prasaran Programme**

- JANUARY 27 (Pathianni) 5:00 pm. Hindi Gospel Programme (Susamachar Prasaran) :**
- Group/Choir/Solo** : MSVT Kohhran Masihi Sangati Zaipawl - Mere Guma Hon Ko,
  - Group/Choir/Solo** : Durtlang Masihi Sangati - Mere Guna Ki,
  - Sermon** : B Lalnggheta - Darm or Bible Ke Apasi Sambandh,
  - Group/Choir/Solo** : Masihi Sangati - Santal Fellowship Laipuitlang,
  - Group/Choir/Solo** : Masihi Sangati - Champhai Vengthlang

□ **Moderator Programme**

Synod Moderator Rev. Lalramliana Pachuau chuan January 30 - 1 February chung hian PCI Working Committee, Shillong-ah a tel ang.

**SYNOD REVIVAL RAWNGBAWLNA**  
(January, 2013)

Sl. No.	Speaker-te Hming	Rawngbawlna hm un	Rawngbawlna dan	Rawngbawlna hun chung
1	Upa R. Lalmachhuana	Khawlailung Dinthar	Bial KTP Conference	January 25 - 27, 2013
2	Upa C. Ngurthantluanga	Zamuang	Bial KTP Conference	January 25 - 27, 2013
3	Lalremruata Sailo	Rengdil	Bial KTP Conference	January 25 - 27, 2013
4	Laithangura	Vathuampui	Bial KTP Conference	January 25 - 27, 2013
5	C. Lalramthara	Lungpho	Bial KTP Conference	January 25 - 27, 2013
6	R. Zaihmingthanga	Venghnuai	Bial KTP Conference	January 25 - 27, 2013
7	Upa L.H. Rohmingliana	Rabung	Bial KTP Conference	January 25 - 27, 2013
8	Lalsanglura Ralte	Thuampui	Bial KTP Conference	January 25 - 27, 2013
9	R. Lallungmuana	Chaltlang	Bial KTP Conference	January 25 - 27, 2013
10	K. Lalngaihawma	Hortoki	Bial KTP Conference	January 25 - 27, 2013
11	Henry Lalhmingthanga	Lawngtlai	Bial KTP Conference	January 25 - 27, 2013
12	R. Lalbiaksanga	Sangau	Bial KTP Conference	January 25 - 27, 2013
13	Lalsangluia Sailo	Kanhmun	Bial KTP Conference	January 25 - 27, 2013
14	Upa H. Vanlalhriata	Bungtlang Bazar	Bial KTP Conference	January 25 - 27, 2013